

◎秦紀

始皇帝（名政）

(甲) 制度

王滅六國。以爲德兼三皇，功過五帝，更王號曰皇帝。令曰詔，自稱朕，除諡法。廢封建，分天下爲三十六郡，置守。銷天下兵器，鑄鐘鑪金人。徙豪傑於咸陽。

(乙) 建造

築長城防胡，西起臨洮，東至遼東，延袤萬餘里。起阿房宮，廣三百餘里，聚天下之美人及珍寶充之。

(丙) 暴行  
妄舉

從丞相李斯議，焚百家書，偶語詩書者棄市。惟留醫卜種樹等書。捕儒生讖議者，四百六十餘人，坑之。長子扶蘇諫，觸怒，使出北監蒙恬軍。

信方士徐市（即徐福）言，發童男女數千人入海，向三神山求不死藥。

(丁) 博浪遇擊

韓公子張良痛國滅亡，欲復仇，得壯士謀殺始皇。始皇東遊，至陽武（在今河南）博浪沙中。壯士以鐵鎚狙擊之，悞中副車。令天下大索十日。

◎ 秦之殘虐及其政變

(甲) 怪異

有隕石于東郡，或刻之曰：始皇死而地分。使御史逐問，盡誅石旁居人，燔其石。

有使夜過華陰，有人持璧遮使者曰：明年祖龍死。置璧，忽不見。使奉璧具聞。

再東遊，以少子胡亥丞相李斯從。南至會稽，北至瑯琊之罟，立石頌德。

(乙) 斯高弄權

西至平原病，始皇惡言死，群臣莫敢言死事。病甚，令宦者趙高爲書，賜扶蘇，使咸陽與喪會葬。未發崩，秘不喪，上食如故。

趙高約李斯，矯詔殺扶蘇蒙恬，立胡亥爲太子。胡亥至咸陽，發喪襲位。

(丙) 驪山暴舉

葬始皇于驪山。下錮三泉，奇器珍怪，徙藏滿之。令匠作機弩，近輒射之。後宮無子者，工匠爲機者，皆閉墓中。

◎二世之暴亂

二世（名胡亥）

(甲) 濫殺宗室

二世欲肆志寵樂，趙高頌之，教以嚴法刻刑。大臣宗室多爲誅滅。

又殺公子十二人，裂肢公主十人。公子將閭懼自殺，公子高請從死先帝。二世大悅，許之。賜錢以葬。

楚人陳勝吳廣起兵于蕘，勝稱楚王。郡縣苦秦法，爭殺長吏以應之。

使從東方來，以反者聞。二世怒，下獄。後至者曰：群盜鼠竊狗偷，郡守方捕，盡得，乃悅。

天下群雄競起，齊燕趙韓魏各建國立王。陳勝爲其下所殺，楚舊將項梁，求楚後心立爲懷王。

沛人劉邦自爲立爲沛公，以應諸侯。

李斯阿二世意，勸以嚴刑，絕諫。死人日積于市。

趙高勸二世不臨朝，以圖專權，二世信之。以後朝政皆決于高。

(乙) 豪傑  
讎起

(丙) 斯高  
助虐

◎秦之滅亡

(甲) 趙高  
用事

趙高給李斯入諫，從而譖之。二世乃腰斬斯于市，夷三族（父母妻）。以高爲中丞相。高欲專權，乃以鹿獻二世，曰馬，二世笑其誤。問左右，或默或言鹿。高陰記言鹿者，誣罪殺之。後莫有敢言。

(乙) 項羽  
崛起

秦將章邯擊項梁敗死，楚懷王以宋義項羽領其軍。項羽矯殺宋義而代之，大破秦軍。章邯扼于趙高，事不得通，以兵降羽。

(丙) 沛公  
入秦

懷王與諸將約，先入關中者王之。諸將以羽慄悍殘滅，不如遣沛公，懷王乃遣沛公。沛公攻入武關（今陝西商州）。二世責高，高懼。發卒圍望夷宮，二世自殺。

(丁) 與民  
約法

趙高立其兄子子嬰爲秦王，嬰稱疾不行。高自往請，子嬰刺殺高，夷其三族。

沛公至霸上（西安城東霸水上），秦王子嬰出降，秦亡。

沛公與秦父老約法三章，殺人者死。傷人及盜抵罪，餘悉除去。秦民大喜。

◎楚漢之際（之一）

（甲）羽嫉沛公

項羽率諸侯兵，欲西入關。聞秦吏卒多怨言，阬殺之二十餘萬於新安（今河南）。

沛公以兵守函谷關，羽至怒攻破之。

羽兵四十萬進鴻門（今臨潼縣戲水西），沛公兵十萬在霸上。羽從范增計，欲擊之。

羽季父項伯，素善張良，夜馳告，欲與俱去。良以爲有急亡去，不義。固要見沛公，約爲婚姻，請解釋其誤。伯囑明旦來謝。

（乙）鴻門宴

項伯具以告羽。沛公來，羽留宴，范增數舉佩玦，羽不應。增出使項莊入舞劍，欲殺沛公。項伯亦舞劍，翼蔽公。

張良出召樊噲，帶劍擁盾入。髮上指，目盡裂，

視羽。羽曰：壯士，賜卮酒彘肩，噲立飲啗。羽曰：能復飲乎。噲對死且不避，酒安足辭。因責以義，羽無以應。

沛公起如廁，脫身獨騎。樊噲步從，趣霸上。

留張良獻璧一雙謝。另以玉斗奉范增，增拔劍擊碎之。

(丙) 羽兵東還

項羽屠咸陽，殺降王子嬰。焚宮室，火三月不滅。掘始皇塚。

韓生說羽都關中，羽見殘破，思東歸。韓生曰：楚人沐猴而冠。羽聞烹之，收貨寶婦女而東。

◎ 楚漢之際（之一）

(丁) 楚漢分峙

項羽入關欲爲王，懷王曰如約。羽怒，陽尊懷王爲義帝，徙於江南。自立爲西楚霸王，都彭城。



羽忌沛公，立爲漢王，使居巴蜀（今重慶成都）漢中（今南鄭）。三分關中，王秦降將章邯司馬欣董翳，以塞漢路。

(戊)漢王  
就國

蕭何教沛公，以收用巴蜀，還定三秦之策。暫屈就國。張良又教漢王燒絕棧道，以備盜兵，且示羽無東意。蕭何薦韓信爲大將。留蕭何給軍食，還定三秦。章王敗走，司馬、董二王皆降。張良遺羽書曰：如約而止，不敢東。又遺齊梁反書，故羽無西意，而北擊齊。

(己)項羽  
逆暴

項羽使人弑義帝於江中。羽擊齊王榮走死，楚立田假爲主。榮弟橫擊走假，立榮子廣爲王，抗楚。

◎楚漢之際（之三）

(庚) 漢王  
東出

漢王進兵洛陽，爲義帝發喪，告諸侯討項羽。

漢王以諸侯兵五十六萬入彭城，置酒高會。羽以精兵三萬還擊，破之。漢軍死者二十餘萬，河水爲塞。漢王會大風晝暝，以數騎遁去。王之太公及后，皆爲楚獲。

漢王入滎陽，蕭何發關中老弱補充之。諸侯漸集，漢軍復振。

楚圍滎陽，陳平間范增去死。陳平又計詐降，使紀信喬裝誑楚，漢王取成臯，羽燒紀信。

羽東擊彭越，聞成臯敗，引還。與漢軍陣於廣武，置太公俎上要漢，漢王曰：幸分我一杯羹。羽怒，欲殺太公，項伯諫止。

(辛) 滎陽  
之戰

(壬) 鴻溝  
分界

羽請獨戰，漢王以門智笑卻之，並數羽十罪。羽伏弩傷漢王胸，乃捫足曰：虜中吾指。

會楚飢，韓信彭越黥布等，又分攻各地。乃約與漢中分天下。以鴻溝（今河南河陰）爲界，歸太公呂后。

漢王欲西歸，張良陳平阻曰：楚兵飢疲，今釋，此養虎遺患也。王從之。

◎ 楚漢之際（之四）

(癸) 漢乘  
追楚飢  
之

項羽少助食盡，與漢中分天下東歸。

漢王從良平計追之，至固陵（今河南陳州），諸侯兵未集，羽大破漢軍，圍固陵。

韓信彭越黥布各以兵來會，劉賈圍壽春（今安徽

壽州），誘楚大司馬周殷畔。

(子) 垓下之戰  
項羽退至垓下（今安徽靈璧），兵少食盡，韓信攻之，羽敗入壁，漢及諸侯兵圍之數重，羽夜聞漢軍四面皆楚歌，驚曰：漢盡得楚乎。

項羽夜起帳中，飲酒悲歌，別其美人虞姬，泣下數行，乃乘駿馬潰圍南出。

(丑) 烏江亡楚  
欲渡淮，失道，遇田父給之，陷大澤中。漢將灌嬰追及之，至東城（今安徽定遠）餘二十八騎，漢軍追者數千。

羽曰：此天亡我，非戰之罪，必潰圍斬將，令諸君知之。乃呼馳斬漢將一都尉一，殺數十百人。羽欲渡烏江（今安徽和州地），亭長以船待，羽曰與江東子弟八千而西，今無一還，縱父老憐而王我，獨不愧心乎，自刎死。楚亡。